

芥素堂文集

第二函
五冊

養素堂文集卷二十五

老威張

謝介侯

傳二

明伏羌侯毛老勇公傳

公姓毛名忠字允信涼州府老威人父寶官百戶公生而雄傑饒膂力精騎射刺擊尤軼倫成化九年公方弱冠代寶領兵從擊賀蘭山寇被羽先登突陳禽其酋也先土于王及其部曲甚眾敵人波賊遠徙論功襲父職爲百戶于永昌衛屢從征討靡壘塞旗頻箸伐多當矢石雨集奮身不避未嘗敗衄衆功封伏羌伯西人依賴皆謂之曰長城

成化戊子秋固原寇陸梁邊氓受荼毒甚慘公討之攻瑕陷堅破其要害敵可盡殲矣忽中流矢以沒而寇覩亦遂寢弱不復爲患訃聞憲廟震悼賜祭葬贈伏羌侯諡忠勇自公歿後三十餘年西人哀思之如一日輒潸然曰奈何公竟舍我而不永輯我方域耶一遇寇警則曰安得起我公於公者何么膺之敢侮耶或罹蹂躪則又曰安得起我公於九原搥劍鳴鏑翦彼小醜雪我輩之仇恨耶故每飲食必祭動息必祝有徵發必祈其默祐人心孚敬之深如此非公壯猷之克綏愛之厚其能彊之耶人士相率以建祠請守臣上聞制曰可賜額曰忠勇仍謚名乃建祠於甘州東

鄣弘治十二季四月二十二日畢工巡撫周瑞甸侍講學
士盱江張昇爲祠記其文疏畧鄙陋無以侔公功余是以
別爲之傳以厲耄臣之効命疆場者

誥授通奉大夫山西布政使司布政使王小邨傳

君名廷瓚字小邨陝西同州府大荔縣人與余乾隆甲寅
嘉慶己未鄉會同榜也獲雋後以主事用籤掣兵部陞員
外郎郎中轉江南道監察御史奉
命稽查祿米倉管理街道事務

簡放江西建昌府知府旋丁母憂服滿

授直隸河間府知府值

皇上謁

西陵

行宮名見奏對稱

旨特調保定府知府陞大名道調補通永道陞署長蘆鹽運司旋

授直隸按察使旣而擢山西布政使道光七年五月十三日以積勞卒於任得年六十有二君性孝友父繼謨早歿君以不逮祿養爲恨歲時祭享思慕感慘如將見之事母張太恭人柔聲怡色萱堂歡愉待胞兄夢蘭夢楠式好無間處從昆弟親愛無違言由京職歷外任知人疾苦習人

劇易又屏絕苞苴門無私謁所至整飭書院勤課士子親
自批閱常捐膏火獎厲訓以砥品多所成就守河間值水
菑請帑賑濟親歷各邑詳查戶口必期實惠及民大名縣
蝗蝻蔽野躬督驅捕田穉無害巡大名時山東臨清界匪
從馬進忠斂錢惑眾奉

勅查拏嚴懲首惡開釋無辜甚多官臬司值秋審必悉心
鞫問務得實情常秉燭危坐檢閱案牘通宵不倦官布政
使時慎重國帑軍儲國計必詳加稽攷值西陲用兵采買
橐它躬自臨視遂感風寒不起其克勤厥職也如此然余
所心折者固有在也同年馬樹堂綏德人官刑部主事曩

疾卒貧甚無以爲斂君慨助衣衾棺槨之具復告飲於同人得二千餘金將返柩於其鄉君念樹堂所遺幼子方彌月持多金歸本族必爭財則孤兒且不可保君乃以數百金付樹堂族弟歸葬自畱兒護養母乳之凡疾痛癢瘡飲食燥溼繃裸浣濯皆夫人楊氏躬親之兒有疾卽大感延醫診視必禱祝於神以冀速痊情意誠摯雖所生不啻也愈則大喜如是者十餘年延師課讀不令曠廢日月學漸有成爲之娶直隸任丘知縣康君錫新之女今孤兒入大興縣學舉於鄉爲副貢矣以余歷觀史書所載撫友朋之嗣始終不渝如君者殆難其人而君優爲之豈非古

所稱善人者耶嗚乎不可及也已子三人長寵三現任甘肅岷州知州次盱江次鴻乙均業儒

張介侯曰余嘗宰屏山署篆陳某貪酷病民民大憤泉余旋任控者數千牒又攫財逼死十六人命賊贏巨萬恐余之揭之也則捏端通稟爲先發制人之謀迨余據實通詳則大府洞駭刪改情節蒙混入奏而其黨實繁咸狃狃焉磨牙欲噬君時爲御史聞之恐余受羣小之毒螫也欲以其原案上聞會余事得直寓書止之不果奏嗚乎君之篤於友誼也如此豈獨存孤一事爲僅見也哉

山東安丘縣知縣謝蓮湖傳

公謝姓名葆霽字雨甘又字蓮湖涼州鎮番縣人乾隆辛卯科舉於鄉丁未大挑一等分發山東以知縣用署臨朐篆補安丘縣缺甲寅歲舉卓異引

見回任候陞旋丁父艱又接丁周孺人艱服闋領咨赴選訪友東明以微疾卒年六十又六時嘉慶庚午十二月初五日也方公之宰安丘也勤於民事字良芟蠹無時豫怠常篝燈閱訟牒至夜半凡廢弛之事極力振刷合邑頌之尤善斷獄鄰縣有疑案大府輒檄委鞫讞多所平反明允稱一時歲丁亥青州府屬縣年穀俱不登獨安丘禾有雙歧灘上蝗生數十畝烏食之盡又碩鼠見西山犬爭斃之

說者謂公之德化所致也辛酉科爲同考試官得卷賞其
奇博薦之主司疑用事或譌公證以古籀獲雋及揭曉乃
雋門桂馥爲知名士論者又嘆服公學之淵富與憐才之
心篤摯也邑之東北有鄭公鄉爲康成故里田被沙覆其
後裔居者悉逃去公爲力請蠲其賍招之以歸其仁心惠
物也又如此妻馬氏名族女生子二長集成嘉慶戊辰科
北闈舉人由直隸州州同升任陝西葭陰廳通判次集梧
丁卯科舉人

張介侯曰余簪銘雲峯先生之墓則公之父也今又爲公
傳蓋歛歔者久之公性果洩無畱事吏胥惴惴焉不敢售

其欺洵能吏哉惜未得大用以展其偉裒子集成與余友
敬厚質良善于其職不負家學公亦可以含笑泉臺矣

忠顯校尉李君傳

校尉李君貴州廣順人也名德字至善其先歛人高祖新
字以荃功官四川總兵封長寧伯寄籍壁山縣再傳至培
實爲貴州衛指揮家於平遠後乃移廣順之某里培實生
希正希正生載陽載陽生君昆弟三人長四表季秀山君
其仲也君幼有宿慧書不原誦輒通奧窔且至性鼓篤氣
宇裒然鄉長者咸器其遠大旋以家中落七箸維艱爰躬
耕謀養俾伯氏攜季秀山就館肄業力田之暇時復省覽

載籍旁及風角卜筮堪輿家言冥索覃精以期遠於術而
摛諸用嘗言丈夫生不能翼世察倫爲聖爲賢作千秋尸
亦當效霍票姚馬伏波輩大功疆場雖復馬革裹屍終享
令聞豈可樸遯奄忽煙銷草萎姓字不出於里閭耶每值
酒酣耳熱豪情激發四座盡傾聞者壯之後季氏學漸殖
貧益甚恐因是廢業乃攜依苕臧家苕官參將署中牒牘
季氏代之理每遇貴山書院文期輒督責往會越二年季
氏食芹始歸家奉親課讀以供甘旨而伯氏四表亾方是
時蠡苗扇燭木札羣飛大吏調集士卒將捧海澆瑩適苕
參將麾下騎兵王祖德者名列軍書尅期赴敵其祖母

暨母兩世霜殘祖德又甫婚未有子舉家悲號不忍舍君
聞其慘切請於茫願承其姓名而代之往茫知君素有請
纓志欣然允之至則將官愛其勇壯每令當士卒先果戰
屢捷叙功擢外委君益感奮思圖報朝廷復臨陳直薄賊
壘忽被銃中右脇貫背猶奮刀手刃四賊見衣血模糊始
暈絕仆地昇歸營已垂斃惟氣屬縷越三日復甦及凱還
大帥錄其功奏補古州鎮標下江營右哨千總乃具文請
改復本姓旋以艱歸家居謙謹里鄰宗之起復後數年以
俸滿晉守備因年過五十生子屢殤遂移疾歸會邨有虢
民因捕盜誤斃二命誣稱君督率計圖賺財賴州官廉其

實原之然囊中餘金旣以雀鼠耗而繼嗣復愿無志分益
鬱鬱無可意遂傷貧病久之易簀時顧謂二孺人曰吾一
生行事不悖天理死後有遺孤幸善撫之他日必能大吾
門遂卒時乾隆癸未仲冬也後造室周氏腹子曰芬登丙
午賢書有文名克光厥家異日顯揚崇褒當如君遺言矣
前史氏云儒者平居稽古輒攘袂大言我能馭驛突我能
披肺壻旣得職守輒魚肉侵歛民類於越貨否則持梁齧
肥慝志罔養于國事無豪髮益一遇潢池有警又征營惶
汗首鼠死灰惟恐刃及其頸甚或無橫草功邀恩罔利償
事殃民誰則奮不顧身首公慕義急國家之急君以材官

陷堅跳盪蹶張意烏未嘗鹽諸利以用命即使膏潤埜草
當亦含笑弗悔卒之偉功顯著雖曰遲時豈非忠義之夙
深哉可以愧夫窮尤闕於每生韜面者矣

昭荃將軍桂亭何公傳

余外舅何公諱守林字崑峯又字桂亭西寧人也由行伍
積功洊升湖北興國營參將以足疾引退後緣事褫職論
戍耄威遂家焉方金川酋阻亂稱兵也公年十七負羽從
征隨偏裨攻碉卡不避矢石屢冠軍鋒蒙

皇賞緇甲歷次優叙領功劄十三張擢陝西七里關守備
時年二十二升定邊營都司遷甘肅紅水營游擊調巴里

坤右營游擊又調中營游擊署理哈密副將遷湖北興國
州營參將其官巴里坤游擊也兼管屯田事種田之人舊
以臯從充吏士多虐使之晝驅之耕夜則閉諸室以鐵長
鍊繫頸足食不果腹冬嚴寒衣薄不堪其苦多逃亾被獲
則撻死而逃者益眾不可止公至嚴禁主者勿陵虐飽其
飲食冬人給芣裘一不復拘囚咸感泣無復逃者是時方
運大玉玉大如屋製大車凡二十四輪駕羸馬百餘匹百
人鳴鉦擊鼓千夫揮鞭呼喝從之羸馬奔騰踉蹌壓夫役多
死者輪數轉卽止稍憩復鞭之行軸或一日數折則鳩匠
修倅或值雨雪人畜困泥中官役苦之大府以

上用不敢奏聞公慨然曰是役不已爲害甚大乃稟於
欽差吳某將軍杜某言此役日斃羸馬數十士卒數十日
費金錢若干萬不能運卽運至口而中原地狹路窄不可
容且舟船難載橋梁難勝亦斲不能運至京師宜奏
聞停止以省民力而節財用或奏明此玉應作何器招集
玉工斲成坯段則運之尚易吳使者和相之舅父也以此
意致書和相和不聽督運倍急公浩歎而已會
仁宗睿皇帝卽位和以罪誅籍沒時於其家得吳書有以
上聞者

上卽詔停止勿運公之知大體也如此公幼未讀書及官